

藝文志八

湖北通志卷八十四

子三 類書類 小說家類 釋家類 道家類

類書類

採壁記三卷梁庾肩吾撰

隋書經籍志 肩吾見藝術類 案隋經籍志雜家無記字新舊唐志亦皆入

雜家玉海五十四類次於許敬宗累壁四百卷後蓋類事之書通志略亦入類家今從之

語麗十卷 語對十卷梁朱澹遠撰

隋書經籍志

澹遠荊州人餘未詳

語麗十卷梁湘東王功曹參軍朱澹遠撰採摭書語之麗者為

四十門案前志但有雜家而無類書新唐書志始別出為一類

此書乃猶列雜家要之實類書也但其分門類無倫理澹遠又

有語對一卷不傳

書錄解題 案金樓子聚書篇有日前在荊州時得州民朱澹遠送異書則澹遠荊州人也其語對亦十卷隋書經籍志通志略載之陳錄以為一卷似誤

志八十四

藝文八 子部

源解三十卷唐陸羽撰

陸文學自傳羽見傳記類

警年十卷唐陸羽撰

唐書藝文志

鹿門家鈔九十卷唐皮日休撰

唐書藝文志日休見春秋類

鹿門家鈔九十卷唐皮日休編作五言詩類事

通志藝文略

鹿門家鈔詩詠五十卷五代皮文燦撰

嘉慶志

文燦襄陽人文學附皮日休傳

鹿門家鈔詩詠五十卷鴻臚少卿襄陽皮文燦撰以羣書分類

事為詩而注釋之其祖日休有書名鹿門家鈔故述其名

書錄解題

名疑四卷明陳士元撰

明史藝文志士元見易類

是書上自三皇下迄元代博采史傳及百家雜說凡古人姓名

異字及更名更字與同姓名者皆彙萃之其中如以司馬遷諱

談為同遂為談同一音以童烏為揚雄小字以揚雄本姓楊字

訛爲揚字之類閒有訛誤又神仙鬼怪之名如吳剛姮娥豐隆
屏翳神荼鬱壘等皆詳載之體例亦頗冗雜然其采摭繁富頗
廣見聞如洞神部載三皇姓名列仙傳稱介子推姓王名光之
類皆指駁其謬又據史記佞幸傳辨朱建傳誤閔孺爲閔籍孺
據顏延之誅辨陶徵士名淵明字元亮亦皆有所根據存以備
考固亦有資參證焉

四庫全書提要

氏疑四卷明陳士元撰

應城志云見程大中歸雲書日記然歸雲別集外集及明史藝文

志皆不載似即名疑之異名

姓匯四卷明陳士元撰

明史藝文志

是編乃其歸雲集中之一種故標目曰別集其說謂姓氏之源
由來以久因推本於五帝分列世系兼綜而條貫之然大概鈔
撮氏族略之文鮮有考訂夫自有天地卽有君民據姓氏書所
說無不自神明之後卽至微者如倉庾之類亦出世官然則洪
荒以後秦漢以前其庶人皆後嗣殄絕乎是正可姑妄言之姑
妄聽之耳而士元又拾其餘唾著爲此書是亦不可以已乎

四庫

姓臚十卷明陳士元撰

嘉慶志

是編亦其歸雲別集之一種摺摭姓氏諸書依韻編輯略載源
流支派凡平聲一千七百一十四姓上聲六百八十九姓去聲
六百一姓入聲六百二十一姓外蕃九十九姓不入韻中共三
千七百二十四姓徵引寡陋且多疏舛又在凌迪知萬姓統譜

之下

四庫存目案是書明史藝文志二卷程大中歸雲書目記作二十卷今考士元自序云勒爲十卷與四庫存目合

則明志與書目記皆誤也

拾翠軒雜纂四十卷明李先芳撰

明史藝文志先芳見易類

類編象緯堪輿歲時人物事千頃堂書目

氏族大全補遺 韻府羣玉補明王近光撰崇陽志案元建陽麻沙書坊有排韻增

廣事類氏族大全二十卷韻府羣玉即陰氏書

近光崇陽人嘉靖十六年舉人

疆識略四十卷明吳楚材撰嘉慶志案明史藝文志二十四卷

楚材字國賢號仰止崇陽人隆慶元年舉人官會寧知縣

其書分三十九類類各一卷惟雜志分上下二卷皆剽剗類書

略為聯貫成文舛陋殊甚卷端刻王世貞批二行云疆識略奇

書也梓之必傳第入梓時不可不更詳慎則世貞已婉諷之矣

何楚材不悟猶引以為重耶四庫存目案存目楚材作夢材似誤縣志又載其有美合編一書

類編雜說六卷明彭好古撰明史藝文志是樓書目云類編雜說六卷四本與明史藝文志同縣志乃以雜說六卷類編六卷分析載之亦未審也

春秋內外傳類選八卷明樊王家撰嘉慶志

王家江陵人萬曆三十二年進士官至參政

其書以左傳國語各標題目分編二十三門以備時文之用閒

旁注音訓一二字亦皆淺陋與經學毫無所關而又非文章正

宗選錄左傳之例無類可附姑從其本書入之類書類焉四庫存目

案存目以王家為潛江人蓋誤

韻瑞補遺明夏鼎撰孝感志鼎見禮類案明凌稚隆有五車韻瑞一書殆即所補者

六經類雋十一卷明鍾惺撰惺傳是樓書目惺見詩類

五經類語明王時啟撰鍾祥志時啟見儒家類

茹古集略三十卷明程良孺撰嘉慶志良孺見雜家類案明史藝文志作八十卷

是書凡三百九十四篇每篇皆采擷藻麗之詞聯為偶語其體

全同事類賦自序稱不奇不已不幽不已不僻不已不合其奇

者幽者僻者以成一家言不已然觀所徵引實了不異人也四庫

存目

名物考十卷明劉侗撰嘉慶志 侗見地理類

是書分二十三部附物理考通微志二篇皆采輯類書而成卷

帙無多搜羅甚隘不足以供考核也四庫 存目

道器括囊一千六百卷明蕭霽撰黃州府志

霽字東曙蘄州人廩生崇禎癸未獻賊破蘄不屈死年二十四

霽幼負異才博極羣書與顧黃公齊名編類書名道器括囊一

千六百卷蘄州志

青箱類事明王迨醇撰黃州府志

迨醇黃岡人案縣志迨醇所著尚有文通一書不知與朱荃宰書同否今注於此

人物博觀明顧天祚撰黃州府志

志八十四

藝文八 子部

四

天祚字悠也蘄州人諸生教授里中節義為時所推流寇陷蘄

天祚不屈觸石而死

萬姓匯明鄧祖清撰監利志

祖清監利人

松源彙編清程維伊撰蘄水志 維伊見地理類

小書篋十四卷明尹賓商撰漢川志 賓商見兵家類

羣書衲四卷續羣書衲四卷清高登雲撰黃州府志

登雲字丹壑黃岡人順治八年拔貢官嘉興知縣其弟登瀛跋

曰是集積百集以成帙大無不包小無不貫流乎三才窮乎萬

物靡不藏於其中計一千三百五十九類類中分列不勝紀焉

黃岡志

姓氏補清陳其棟撰雍正湖廣通志

其棟字霽南黃陂人少而嗜學博通經史結廬甲山中著有近雲集姓氏補行世

類解三十卷清韓名世撰黃州府志

名世字友生黃安人

博通具清魯鏞撰孝感志 鏞見易類

人物通志清王一鄰撰黃岡志

一鄰黃岡人康熙十四年舉人官桃源訓導

事物尋源三卷清駱沛宜撰黃州府志

沛宜號醇菴蘄州人

古今姓韻略編清張兆講撰蘄州志

兆講字星五蘄州人乾隆十八年舉人

逸姓名錄六卷清程大中撰應城志 大中見詩類

志八十四

藝文八 子部

五

廣賓實錄十二卷清程大中撰應城志 案宋馬永易作異號錄蜀人文彪增廣其書改題曰賓賓

錄見四庫提要此曰賓實蓋從晁氏讀書志之文

石可齋策略清張念祖撰黃岡志

念祖字緒茲黃岡人乾隆二十六年進士

春秋蒙求二十四卷清劉揆撰河陽州志 揆見禮類

張之洞序云其所纂者惟春秋蒙求乃為初學而設

事類叢鈔六十卷 尚齒會編二卷清陳詩撰蘄州志 詩見易類

姓氏書 名物類編清陳詩撰蘄州志

愚谷又有姓氏書以姓為經氏為緯凡數十卷其小小紀錄又

有名物類編考田 詩話

三餘隨筆一百二十卷清萬岳撰黃州府志 岳見雜家類

陳詩序曰曩余得宮定山先生讀書紀數略其體源一出於王

尚書小學紺珠而比物連類視昔加詳黃岡三峯萬子與余同
出何曙亭先生之門素績學戊午晤余於漢上出其所爲三餘
隨筆示余其書體例不襲王宮兩家而推之愈廣

類對諧聲略清龍澍撰 黃州府志

澍黃岡人有列傳

續詞林合璧清劉鎮岱撰 崇陽志

鎮岱字詹巖崇陽人廩生

四書成語聯珠二十卷 子史菁華類編八卷清呂庭榘撰 應城志

庭榘見地理類案縣志所載又有麗藻引機八卷對語梨花六卷納涼偶對六卷

讀書儷記四卷清余雨撰 興國州志

雨字東之興國人嘉慶九年舉人官保康訓導

記事珠續編清呂之儀撰 德安府志之儀見雜家類

志八十四

藝文八 子部

姓氏尋源八卷清羅德琨撰 大治志德琨見小學類

姓氏紀略二卷 李氏蒙求疊韻清陳本謙撰 黃岡志本謙見術數類案李氏

蒙求者唐李瀚書也見書錄解題

文房嘉偶 韻府雙玉清劉德熿撰 沔陽州志德熿見目錄類

先是德熿叔祖與藻初爲文房嘉偶未成書其父柏才沿其例
爲韻府雙玉亦未竟而卒德熿踵而成之總三十餘萬言蔚爲

藝林大觀

廣姓彙珠三十卷 尋源錄十卷清柯序先撰 興國州志

序先字鶴岡興國人庠生窮年兀兀有書癡之目手著廣姓彙
珠三十卷尋源錄十卷詒癡集十卷未梓橐俱存

刪訂古事苑二卷清蔡紹瀛撰 蕪水志案古事苑二卷饒安鄧志謨著見四庫存目

紹瀛蕪水人

人物備考清林期昌撰 黃州府志

期昌黃岡人諸生

左駢 人志清盧繪雲撰 黃安志

繪雲字素備黃安人道光十七年舉人

人鏡類纂四十六卷清程之楨撰 采訪冊

之楨字維周江夏人咸豐元年舉人官黃岡教諭

事類心裁六十四卷 成語對偶四卷清戴利均撰 德安府志

利均雲夢人咸豐時歲貢生

以上類書類凡六十四部

類書類存目

冊府元龜纂要明張同做撰 同做江陵人 窺豹錄明蒙應第撰 應第

崇陽人案縣志云典故類書也 徵古堂類編明傅之秦撰 之秦黃岡人

志八十四

藝文八 子部

七

冊府元龜輯要清程正異撰 正異孝感人 蒙求訓清胡夢發撰 夢發

大治人 子史精華類編賦清周江撰 江通城人 刪定治平略清劉

湘燿撰 湘燿江夏人 策略清王道明撰 王道明黃岡人 春秋三傳偶語

清劉興桓撰 興桓陽城人 左幼學清向廷燕撰 廷燕廣濟人 十七史

蒙求簡注清鄧塏撰 塏應城人 子史聯珠清鄧蘭章撰 蘭章陽城人

成語類聯清李烈文撰 烈文陽城人 類典新編清楊逢廣撰 逢廣

人 策志合編清湛深撰 深黃梅人 姓氏合編清吳大桂撰 大桂黃安

人 廿二史蒙求疊韻三十二卷清陳樾撰 樾黃岡人 分類韻錦

清郭化霖撰 化霖鍾祥人

以上凡十八部並附存目

小說家類 雜事 異聞 瑣語

周宋玉子一卷錄一卷 通志藝文略

宋玉郢人師事屈平爲頃襄王大夫隋志小說家附注曰梁有宋玉子一卷錄一卷楚大夫宋玉撰亦見通志略高似孫子略

全上古三代文編

皮氏見聞錄十三卷唐皮光業撰崇文總目案高似孫史略云十卷

光業襄陽人附父日休傳

皮氏見聞錄五卷五代皮光業撰光業唐末爲餘杭從事記當時詭異見聞自唐乾符四年迄晉天福二年自號鹿門子郡齋讀書志

摛紳脞說二十卷宋張君房撰宋史藝文志君房見地理類

君房博學通釋老善著書如名臣傳蜀檣杙雲笈七籤行於世者毋慮數百卷此書亦詳實郡齋讀書志

讀書志以脞說爲張唐英君房撰又言君房著名臣傳蜀檣杙

志八十四

藝文八 子部

八

雲笈七籤行於世案君房祥符天禧以前人楊大年改閑忙令所謂紫微失卻張君房者卽其人也嘗爲御史屬坐鞫獄貶秩因編修七籤得著作佐郎七籤序自言君房蓋其名非字也唐英字次功熙豐閒人丞相商英天覺之兄作名臣傳蜀檣杙者與君房了不相涉不知晁何以合爲一人也其誤明矣書錄解題乘異記案王得臣塵史曰集賢張君房洎退居又撰脞說二十卷則晚年所作通志略曰脞說前後集二十卷則其中又分爲二編也

默書 讒髓宋令狐揆撰安陸志揆見易類

令狐先生所著易疏精義晉年統緯世惣樂要注默書讒髓琴譜兵途轄要余爲兒童時先君令曝書見世惣統緯等書又從同堂兄聲伯芑假所傳易說琴譜讒髓以觀焉餘訪諸里人蓋鮮有知者塵史

書可紀一卷宋魏泰撰

宋史藝文志泰見雜家類

倦游雜錄八卷宋魏泰撰

郡齋讀書志正撰宋史藝文志

案舊託名張師作十二卷

序言倦游云者仕不得志聊書平生見聞將以信於世也自以

非史官雖書善惡而不敢褒貶

同上

張師正倦游錄說穎上常夷甫處士自經而卒王莘樂道奉議

穎人也從學於常具道處士得病而卒師正進士及第後換西

班官至諸司使守郡亦有才此倦游乃襄漢閒士人所為託名

以行

塵史案說郛三十三條

碧雲駮一卷宋魏泰撰

宋史藝文志案舊託名梅堯臣撰

皇朝梅堯臣聖俞撰昭陵時有御馬名碧雲駮

案衢本駮作駮者非

毛貴用以名書詆當時鼎貴之人然其意專在范文正也頃年

獲拜趙氏姑於恭南因質此事之誕信答曰異哉聖俞作謗書

志八十四

藝文八

子部

九

以誣盛德蓋誅絕之罪也

郡齋讀書志

題梅堯臣撰以廐馬為書名其說曰世以旋毛為醜此以旋毛

為貴雖貴矣病可去乎其不遜如此聖俞必不爾也所記載十

餘條公卿多所毀訐雖范文正亦不免或云實魏泰所作託之

聖俞王性之辨之甚詳而邵氏聞見後錄乃不然之

書錄解題

碧雲駮一書凡慶曆以來名公鉅卿無不譏詆世傳此書以為

出於梅堯臣怨懟之口其後諸公議論多矣如葉夢得王銍則

以為非堯臣所為而邵博乃疑其詩以為堯臣之意真有所不

足遂以此書為實出於堯臣今以魏泰東軒筆錄考之然後知

泰之嫁名於堯臣者不特此書也筆錄載文彥博鎧籠錦事大

略如碧雲駮所云其載堯臣作唐介書竄詩則句語狂肆非若

堯臣平時所作簡古純粹平淡深遠又曰堯臣作此詩不敢示

人及歐陽修爲編其集時有嫌避又削去此詩是以人少知者
詳味此言是泰旣以此詩嫁於堯臣又慮議者以爲修所編無
此遂曰修有嫌避而此不載皆無所考之詞也觀此則謂泰之
以碧雲駮之假名堯臣不妄矣

文獻通考

東軒筆錄十五卷宋魏泰撰

嘉慶志案讀書志通考並有續錄一卷

泰爲曾布之妻弟故此書所記多尊熙寧新法而薄元祐黨籍
持論不甚可許桐江詩話載其試院中因上請忿爭殿主文幾
死坐是不得取應潘子真詩話稱其博極羣書尤能談朝野可
喜事王銍跋范仲尹墓誌稱其場屋不得志喜僞作他人著書
如志怪集括異志倦游錄盡假名武人張師正又不能自抑作
東軒筆錄用私喜怒誣衊前人最後作碧雲駮假作梅堯臣毀
及范仲淹晁公武讀書志稱其元祐中記少時所聞成此書是

志八十四

藝文八

子部

十

非多不可信心喜章惇數稱其長則大概已可見又摘王曾登
甲科劉翬爲翰林學士相戲事歲月差舛相去幾二十年則泰
是書宋人無不詆譏之而流傳至今則以其書自報復恩怨以
外所記雜事亦多可采故也

四庫全書提要

張氏可書一卷宋張知甫撰

文淵閣書目

知甫襄陽人

永樂大典本宋史藝文志陳振孫書錄解題晁公武讀書志皆
不著錄文淵閣書目載有一册亦不詳撰人名氏惟愛日齋叢
鈔引其中司馬光文彥博論僧換道流一事稱爲張知甫可書
知甫不知何許人今考書中所紀有僕頌在京師因幹出南薰
門事又有見海賈鬻龍涎香於明節皇后閣事是在宣和之初
嘗官汴京中間復有紹興丁巳戊午紀年及劉豫僭號中原事

則入南渡後二十餘年矣蓋其人生於北宋末年猶及見汴梁全盛之日故都遺事目擊頗詳迨其晚歲追述爲書不無滄桑今昔之感故於徽宗時朝廷故實紀錄尤多往往意存鑑戒其餘瑣聞佚事爲他說家所不載者亦多有益談資雖詆諧神怪之說雜廁其間不免失於冗雜而案其本旨實亦孟元老東京夢華錄之流未嘗不可存備考覈也其書原本已佚今據永樂大典收入各韻內者採掇哀輯共得五十餘條謹編爲一卷以存其概云

四庫全書提要 案書中自言大父諱問字昌言初受考張問襄陽人宋史本傳及慶居世衡遺以汝州田十頃辭不

安陸心源詔宋樓藏書志亦云張知甫襄陽人見韋居安梅磻詩語是書原本心源從穴硯齋舊鈔傳錄刊入叢書首闕一葉所存凡一百一十二條視今館閣輯本多六十二條其云大父諱問一條亦輯本所無也

聞見錄明黃金撰 康熙湖廣通志

志八十四

藝文八 子部

金江夏人弘治二年舉人

松窗餘談明王宗彥撰 京山志

宗彥京山人附父格傳

紀聞明鄧楚望撰 麻城志

楚望字震卿號東里麻城人嘉靖三十八年進士歷禮科給事中
中以言事忤旨出知順德府轉浙江副使致仕

榮壽異數明胡價撰 宜城志

價宜城人有列傳

逸叟寄言明李之翱撰 潛江志

之翱字克升潛江人萬曆初歲貢官永定衛訓導

墨卿談乘十四卷明張懋修撰 千頃堂書目

懋修江陵人孝義張敬修附傳

行役紀聞明石崑玉撰 黃梅志

崑玉黃梅人有列傳

代豆日鈔明程德良撰 雲夢志 德良見雜家類

外史七傳明陶若曾撰 宜昌府志 若曾見雜家類

蜡談六卷明郝敬撰 傳是樓書目 敬見易類

炳燭孤談十卷明郝敬撰 傳是樓書目

自在居偶筆 一枝齋腐談 蜨軒漫書 毘陵閒話 閒中漫

鈔 昭州暇筆明歐陽東鳳撰 潛江志 東鳳見傳記類

狂言十集明袁宏道撰 楚風補 宏道見地理類 案狂言有一集二集別集等編見袁石公中郎二集中

三世事小錄明賀時泰撰 江夏志 時泰見儒家類

思鱸錄明張維禎撰 江夏志

維禎江夏人有列傳

志八十四

藝文八 子部

三

聞見錄明秦奎撰 雍正湖廣通志 奎見雜家類

玉堂故事十卷明鍾惺撰 傳是樓書目 惺見詩類

醒世名言明歐陽照撰 襄陽志

照字文白號成原襄陽人本竹谿籍萬曆三十八年進士歷儀

徵扶溝知縣復由戶部郎出守嚴州升關西副使告歸

遊居柿錄二十卷明袁中道撰 荊州府志 中道見地理類

憤語 作喻錄明劉民悅撰 江夏志 民悅見傳記類

洗塵篇 孟起常談明黃圖昇撰 蒲圻志 圖昇見雜家類

耳聞錄明胡宦撰 黃梅志

宦字仰成黃梅人諸生學者稱南村先生

曬書瑣語一卷 松窗憶錄一卷明王啟茂撰 荊州府志 啟茂見譜錄類

原軒紀事二卷明吳一鰲撰 荊州府志

一鼇字東始石首人萬曆中副榜

頭責編一卷明盧爾惇撰

黃安志
爾惇見政書類

金德嘉序曰先生任巴州刺史殉國難令子熙叔往尋父屍不獲終天抱恨廬母墓以卒賢孫端埃輩傷乃祖著作之散佚搜求殘篇得頭責編一帙付之手民

呂齋脞語 函山偶筆

藥房瑣錄

碧落山房閒筆清朱儼鑿

撰

江陵志
儼鑿見雜史類

休夏篇清余順明撰

大治志

順明大治人有列傳

榆收記清龍納銘撰

漢川志

納銘字熙載漢川人順治七年進士歷官都勻知府

顧氏聞見錄清顧如華撰

漢川志
如華見奏議類

志八十四

藝文八

子部

十三

菊廬快書清楊繼經撰

蕪水志

繼經字傳人蘄水人順治十二年進士累官刑部員外郎

清湖放言清劉繼昌撰

湖北詩佩

繼昌字念生江陵人順治十四年舉人

襄陽遺話清凌哲撰

襄陽府志

哲字元亮號榴園襄陽人順治時諸生工詩古文辭

枕略清樊齊敏撰

黃州府志
齊敏見史鈔類

筆耕佳種清段先述撰

江夏志
先述見藝術類

坳堂夜話清徐家麟撰

麻城志

家麟字遠眸麻城人康熙五十二年舉人以明通榜補孝感教

諭遷均州學正

歸田雜記清郝世貞撰

雲夢志

世貞字凝一雲夢人乾隆元年進士選庶吉士改天台黃巖知縣升杭州東海防同知引疾歸著歸田雜記

企礮野語四卷清熊倩撰 應城志

倩字志懿應城人諸生乾隆初薦應孝廉方正以終養辭不赴

蘭室管見清程盛泮撰 通城志

盛泮通城人乾隆十二年舉人

習園叢談清余慶長撰 安陸志 慶長見易類

我陶隨筆八卷清呂明撰 應城志

明字任夫應城人乾隆閒拔貢授永康知縣遷鬱林知州致仕

卒年八十三

芝軒雜錄清呂之儼撰 應城志

之儼字芝軒應城人貢生乾隆二十一年考授直隸州同知

志八十四

藝文八 子部

十四

竹隴偶錄 殖學堂便筆清段而聘撰 江夏志

而聘字儒珍江夏人附貢生

大槐閣雜鈔清胡必達撰 應城志

必達字月巖天門人乾隆三十一年進士由庶吉士改兵部主

事主講蒲陽書院著有大槐閣雜鈔

蓬窗瑣語清李莘撰 雲夢志

莘字耕崖雲夢人乾隆三十二年拔貢官兵部主事

乍了日程瑣語三卷 通俗八戒一卷清李元撰 京山志 元見 易類 案此二

書並自編入 渾齋七種中

桑梓錄 率爾操觚錄清李元撰 京山志 案此並在渾齋七種 之外縣志云未梓又采訪册有

元補編日書一夢緣兩目 云有存本今附注於此

道聽錄 敬遠錄清陳詩撰 蘄州志 詩見易類

日下紀事清萬法周撰 雲夢志

法周字象濂號藥堂雲夢人乾隆三十九年副榜官松滋教諭

粵輶紀聞清王鑾撰 黃州府志

鑾黃岡人文學有傳

瘦羊錄一卷清劉士璋撰 荊州府志 士璋見地理類

車蓋亭脞志清寇鈞撰 德安府志 鈞見書類

默翁碎語二卷清程炆撰 江陵志

炆字曉山別號默子江陵人嘉慶十二年舉人

客窗隨筆五卷清馮瑄撰 雲夢志 瑄見編年類

聞見錄四卷清李榛撰 鍾祥志

榛字西苓鍾祥人諸生

隨安說約四卷清陳式勳撰 應城志

志八十四

藝文八 子部

五

式勳字泗村應城人嘉慶中歲貢

癡翁筆談綜清周若鴻撰 漢川志 若鴻見易類

春明隨筆 宦海紀聞 田閒雜記清王燕瓊撰 黃岡志 燕瓊見史評類

見聞紀略清汪兆柯撰 黃岡志 兆柯見易類

客窗消寒筆記清匡慶榆撰 羅田志 慶榆見詩類

滋福堂叢話清張葆森撰 沔陽志 葆森見史評類

房陵雜記清許汝梅撰 黃岡志

汝梅字庾南黃岡人歲貢生官房縣訓導

中興聞見錄清熊煜奎撰 武昌志 煜奎見政書類

壺齋雜錄清徐肇喟撰 蘄水志

肇喟字蜀溪蘄水人同治元年進士由主事改授四川直隸州

古榆閣談薈八卷清洪良品撰 采訪冊 良品見書類

右小說家雜事之屬凡九十部

神錄五卷梁劉之遴撰舊唐書經籍志之遴見春秋類

妖怪錄五卷唐皮光業撰崇文總目光業見前案是書太平廣記屢引之

乘異記三卷宋張君房撰宋史藝文志君房見前

君房序謂乘者載記之名異者非常之事蓋志鬼神變怪之書

凡十一門七十五事郡齋讀書志

乘異記三卷南陽張君房撰咸平癸卯序取晉之乘之義也書錄

解題 案說郛一百十八存是書四條

科名定分錄七卷宋張君房撰宋史藝文志案晁志有唐宋科名分定錄三卷不題撰人元符間

所著書也序云已卯歲得張君房所誌唐朝科場故事今續添五代及本朝科名分定事迄於李常寧蓋北宋時已有續編其書者通志略入傳記冥異中改錄於此

括異志十卷宋魏泰撰宋史藝文志泰見前案舊託名張師正撰

志八十四

藝文八 子部

去

括異記十卷皇朝張師正撰師正擢甲科得太常博士後遊宦

四十年不得志於是推變怪之理參見聞之異得二百五十篇

魏泰爲之序郡齋讀書志案四庫存目曰王銍默記以是書

猶及識泰其言當必不誣也書錄解題又有後志十卷

志怪集五卷宋魏泰撰宋史藝文志案舊託名張師正

夷堅別志二十四卷宋王質撰嘉慶志質見詩類

自序曰志怪之書甚夥至鄱陽夷堅志出則盡超之余平生所

嗜略類洪公始讀左傳史記漢書所得其記事之法而無所施

因志怪發之久之習熟調利滋耽翫不能釋閒自觀覽要不惟

無補於世而古今文章之關鍵亦閒有相通者不以是爲無益

而中畫愈哀所見聞益之事五百七十卷二十四凡夷堅所有

而游見者刪之更生佛之類是也凡夷堅所有而未備者補之

黃元道之類是也其名仍爲夷堅而別志辨於鄱陽也得歲月者紀歲月得其所者紀其所得其人者紀其人三者並書之備矣闕一二亦書皆闕則弗書醜而不欲著姓名者婉見之如夷堅確夢之類是也醜而姓名不可不著者顯揭之如夷堅人牛之類是也其稱某人云又某人得諸某人云若已所見各識其所自來皆循夷堅之規弗易所書甲子之一爲期過是弗書耳目相接也所書鬼神之事爲主非是弗書名實相稱也於夷堅之規皆仍之其異也者筆力瞠乎其後矣

文獻通考

王氏雜記十四卷明王兆雲撰

嘉慶志兆雲見傳記類

是編凡湖海搜奇二卷揮塵新談二卷白醉瓊言二卷說圃識餘二卷漱石閒談二卷烏衣佳話四卷皆雜記新異之事本各自爲書後人裒爲一帙總題曰王氏雜記非其本名也其中烏

志八十四

藝文八

子部

七

衣佳話明史藝文志作八卷此本僅前後二集每集分上下卷或爲合併或爲闕佚均不可知然志怪之書無關學問其完否亦毋庸深考惟其中記張孚敬晚遇一條謂廷臣議追封大禮拘於俗說濮園之非云云則意存左袒不爲公論有不可不糾正者耳

四庫存目

案明史藝文志王兆雲警座新書八卷考種烏衣佳話前後續六卷視雜記多出二卷然則警座新書卽雜記之異名明志誤作八卷故不取

王氏青箱錄十二卷明王兆雲撰

明史藝文志

凡綠天脍說二卷廣漠野語四卷驚座摭餘二卷客窗隨筆二卷碣石剩談二卷

彙刻書目

耳談十五卷明王同軌撰

嘉慶志明史藝文志

同軌黃岡人文學王廷陳附傳

其書皆纂集異聞亦洪邁夷堅志之流每條必詳所說之人以

示徵信則用蘇鶚杜陽雜編之例前有陶冶序稱其事不必盡核理不必盡合文不必盡諱亦小說家之定評也然其中頗推重方士陶仲文則其他曲筆諒多矣四庫存目

其目有藜德篇良讞篇精技篇奇合篇重生篇叱魯篇冥定篇

史脞篇脞志篇語全篇雅謔篇元旨篇締義篇稽神篇畸墨篇

文蓴篇詩芹篇長語篇瑣言篇中論篇外紀篇等名今世絕少

傳本余偶從其裔孫家璧少卿處見殘藁一冊因錄之以存梗

概云古榆閣叢談案黃岡志載是書二十四卷明陳第世善堂書目作十六卷又有續耳談十六卷千頃堂書目云一名賞心粹語又有耳談類增五十卷蓋相傳非一本也

山居紀異清陳述知撰江夏志述知見易類

漢皋詩話清王謹微撰襄陽志謹微見易類

吳氏襄陽藝文略云此書家有鈔本予幼見之似衍鄭文甫遇

志八十四

藝文八

子部

六

神女事蓋遊戲之筆如唐人小說之類非說詩也與說郛所載

闕名者亦異

惺齋紀異一卷清張居敬撰崇陽志

居敬字伯欽崇陽人廩生道光壬寅冬續編崇志伯欽與其事

以其餘閒記此皆狐鬼怪說也

右小說家異聞之屬凡十部

謔談三篇唐陸羽撰陸文學自傳羽見傳記類

自傳曰陸子始三歲憚露育乎竟陵大師積公之禪院歷試賤

務掃寺地潔僧廁踐泥汗墻負瓦施屋牧牛一百二十蹄又束

於寺中令其翦榛莽以門人之伯主焉或時心記文字懵然若

有所遺灰心木立過日不作主者以爲慵惰鞭之因歎歲月往

矣恐不知其書嗚咽不自勝主者以爲蓄怒又鞭其背折其楚

乃釋因倦所役捨主者而去卷衣詣伶黨作諠談三篇以身爲
伶正弄木人假吏藏珠之戲公追之曰今從爾所欲可緝學工
書天寶中郢人酺於滄浪道邑吏召予爲伶正之師

案新舊唐書隱逸傳

曰因亡去匿爲優人作諷諧數千言辛文房唐才子傳曰性誠諧少年匿優人中撰笑談萬言

啟顏錄六卷

三餘外志三卷五代皮光業撰

宋史藝文志光業見前

麗情集二十卷宋張君房撰

世善堂書目君房見前

麗情二十卷皇朝張君房唐英編古今情感事

郡齋讀書志案晁志又以是

書爲張唐英撰蓋亦與摺紳脞說誤會同說郭七十八載是書凡十二條略見梗概陳第世善堂書目猶載其書明萬曆間尙存也

雞跖集二十卷宋宋祁撰

安陸志祁見樂類

雞跖集二十卷宋景文公祁所集也郡齋讀書志云雞跖集十

卷未詳撰人所集書傳中瑣碎佳事分門編次之淮南子曰善

學者如齊王食雞必食其跖名書之意殆以此希弁所藏二十

卷題曰宋景文公雞跖集有建炎九年黃邦俊序

讀書附志案宋高宗建

炎年號止四年此或元年之誤

覆瓿資笑明陳邦寶撰

應城志

邦寶字司善應城人歲貢授嘉定同知所著覆瓿資笑與文章

一得讀杜軒稟孫渠官少保時梓以行世

不常談明程德良撰

雲夢志德良見雜家類

禪門本草補一卷明袁中道撰

公安志中道見地理類

自序曰慧日禪師作禪門本草云禪味甘性涼安心臟祛邪氣

關壅滯通血脈清神益智駐顏色除熱惱如縛發解其功若神

令人長壽故佛祖以此藥療一切眾生病號大藥王若世明鏡

破諸執暗所慮迷亂幽蔽不信病在膏肓妄染神鬼流浪生死

者不可救焉傷哉余因效顰作諸味云案所作凡四篇曰講曰戒曰定曰淨土皆游戲

之言故不入釋家而列於此
鍾伯敬祕集十五種明鍾惺撰彙刻書目惺見詩類

十五種者曰豔編曰逸籟曰彩筆曰韻聲曰雋調曰誌藪曰妙

譚曰曠紀曰快述曰諧叢曰核則曰怪錄曰別輯曰清彙曰致

品各為一卷

笑禪錄一卷明潘游龍撰松滋志游龍見四書類案是書今見於續說郛者凡十八條每條各舉佛

經中語於前而繫以說說又繫以頌皆諧謔之言也

高齋展謔清李見瑗撰楚風補見瑗見易類案楚風補曰見

岡著高齋展謔而湖廣隱逸志曰李之泌字鄴仙號劍峯黃岡人著夙知錄松鱗集高齋展謔等集黃岡縣志惟載之泌書無見瑗書疑之泌即見瑗改名歟又案夙知錄一書楚風補稱李見瑗縣志作李之泌亦一證也

碎金零拾二卷清熊調鼎撰麻城志調鼎見五經總義類

志八十四

藝文八 子部

三

漁唱笳管清王追醇撰黃州府志追醇見類書類

升庵謠諺補清陳本謙撰黃岡志本謙見雜家類案明楊慎有古今諺二卷古今風謠二卷見四庫

全書存目

客窗談助清柯茂枝撰武昌志

茂枝武昌人文學有傳

空空齋嚙語隨錄二編清黃兆魁撰蘄州志

兆魁字葵圃蘄州人道光十七年舉人咸豐間胡文忠公駐節

巴河招致幕下時與計事著作甚富悉燬於兵

右小說家瑣語之屬凡十部

以上小說類凡一百二十部

小說家類存目

洗耳之餘明陳治紀撰治紀江陵人 采月錄明鄧祖清撰祖清監利人

名蹟錄明馮舜臣撰舜臣襄陽人

河陰隨筆清程正巽撰正巽孝感人

好生錄清張承瑞撰承瑞蘄州人

醉盤錄清曹湘蓮撰湘蓮枝漢陽人

所見日錄清戴起撰起江人

保桂堂消夏錄清段志佺撰志佺江人

撰如鳳江夏人 夢華錄清吳世傑撰世傑黃梅人

撰春羸沔陽人 湘舟紀要清李光笈撰光笈沔陽人

文煒撰文煒應城人 雉山小紀清胡思謙撰思謙蘄州人

清秦本熾撰本熾漢川人 右雜事

口頭語詩清甘學淳撰學淳麻城人 天門志館叢嚙清張錫穀撰錫穀沔陽人

紅樹山莊留語清陳抗希撰抗希武昌人 西窗閒談清

志八十四

藝文八

子部

三

沈壽恭撰壽恭江陵人 挑菜餘談清寇廷珙撰廷珙安陸人 隙觀調

語清姚瑞堂撰瑞堂江夏人 續新亭叢語清何玉琴撰玉琴黃梅人

曝背閒談清劉興藻撰興藻沔陽人 焚餘筆札清余行芳撰行芳黃岡人

右瑣談

以上凡二十八部並附存目

釋家類

法華經注齊劉虬撰荊州府志

虬江陵人隱逸有傳

法華元宗二十卷隋柳詵撰北史文苑傳 詵見雜史錄

仁壽初詵為東宮學士為太子所親狎以其好內典令撰法華

元宗為二十卷上之太子大悅賞賜優洽儕輩莫比

法華言句二十卷隋釋智顛撰郡齋讀書目

智顓荊州人仙釋有傳

法華言句二十卷唐僧智顓撰智顓居天台山號天台教五代

兵亂其書亡錢俶聞高麗有本厚賂因賈人求得之至今盛行

於江浙郡齋讀書志案智顓字德安梁使持節散騎常侍益

天台隋太尉晉王廣執弟子禮號智者大師開皇十七年卒年

六十見國清百錄柳警所撰碑晁志通考稱唐僧誤也慶吉祥

至元法寶勘同總錄載妙法蓮華經元義十卷妙法蓮華經

文句十卷天台智者大師說亦見清龍藏彙紀蓋卽是書

摩訶止觀十卷 金光明經文句三卷 金光明經元義一卷

觀音經元義二卷 觀無量壽佛經疏一卷 四教義四卷

四念處四卷 菩薩戒義疏二卷 觀心論一卷 法界次第

初門三卷 釋禪波羅蜜次第法門十卷 維摩詰經疏十卷

維摩詰經疏記六卷 觀世音普門品經疏二卷 六妙禪

門法一卷隋釋智顓撰案右十五種並見至元法寶勘同總錄

清龍藏彙紀著於此土撰述中者有其

前十一種

志八十四

藝文八

子部

三

淨名義疏三十一卷隋釋智顓撰國清百錄

開皇十七年十一月二十一日智顓遺書晉王曰既再游江都

望心重法令著淨名義疏不揆闇識輒述偏懷在山兩夏專治

玄義進解經文至佛道品爲三十一卷將身不慎遂動熱渴一

百餘日競疾治改際此夏末慮有追呼束裝待期去月十七日

使人至山止留一宿遽比螢光早希進路行過剡嶺次至石城

氣疾兼篤不能復前此之義疏口授出本一徧自治皆未搜簡

經論僻謬尙多不堪流布既爲王造寧羞其拙天挺睿智願一

徧開讀覽其大意餘無可觀開皇十八年正月二十日王答遺

旨文有曰先師天台智者內弟子灌頂普明至奉接遺書七紙

並淨名義疏三十一卷跪對修讀摧振於心所恨淨名經疏不

重親承猶冀尋研用補咎悔謹卽裝治繕書習讀二僧今返輕
奉報書還拜靈儀心載嗚咽仁壽二年皇太子宣令慧日場道
場僧慧莊法論二師於東宮講淨名經全用智者疏判釋經文
一日兩時躬親臨聽國清百錄案淨名義疏卽維摩詰義疏
品未竟之緒也此其垂滅時原編知至元法寶勘
同總錄所載十卷非其舊第今併錄之以著其朔

天台止觀一卷隋釋智顛撰崇文總目

大乘入道坐禪次第要論一卷唐釋道信撰唐書藝文志

道信蘄州人仙釋有傳

大乘入道坐禪次第要論一卷三十一相道信撰通志藝文略

荷澤顯宗記一卷唐釋神會撰宋史藝文志

神會襄陽人仙釋有傳

荷澤禪師微訣一卷唐釋神會撰宋史藝文志

詩偈三卷唐龐蘊撰唐書藝文志案崇文總目

蘊襄陽人仙釋有傳

龐公語錄十卷唐龐蘊撰郡齋讀書志案通志略宋志

維摩詰經諸品頌一卷宋宋庠撰安陸志

自序曰如來之教有真語有實相語之真者不以辯妨道相之
實者不以物障空維摩詰者可謂體其真實矣余稚齒多艱中
歲銜卹熒熒殘喘廬於都外每閉戶焚香呻吟梵帙升濟先福
是焉攸託而心之所嗜復在此書爰因成誦之隙竊效重宣之
義且經之所統品凡十四始於佛國終於囑累其因緣之本行
證詰之細條秦園大士注之詳矣故略因諸品各爲短頌每短
頌先標總意

禪苑清規十卷 勸孝文二卷宋釋宗頤撰宋史藝文志

宗頤襄陽人仙釋有傳

正法世譜宋王質撰

嘉慶志
質見詩類

自序曰其書始周昭王二十四年甲寅釋迦佛生至隆興元年癸未大慧卒得二千二百八十五年以史記通鑑及皇極經世相參以為正其閒諸宗師出某鄉姓某氏舍某家所從師某人受具所游方某所出世某所得法某人授法某人其生平所可見某事終某所塔某所壽若干臘若干做史記年表列之此世譜大略也蓋自大藏經之餘諸史諸集四方圖經諸誌銘若近儒釋之徒所著未及入藏者皆哀以為資大慧以降方歷訪其人續之未艾也竟余世而已

文獻
通考

無庵法語一卷宋孟珙撰

襄陽志
珙見易類

無庵法語一卷孟少保琰與公安僧法東往復之語陳堯趙希

志八十四

藝文八

子部

三

杼為之序

讀書附志
宋史本傳此

案孟珙別號無庵居士亦通佛學見書為珙所作趙希弁稱孟琰者誤也

譯異編一卷明耿定向撰

耿恭簡遺集附刻
譯第二心經譯第三維摩譯第四楞嚴

譯第五法華譯第六準提呪譯第七六道譯第八六通譯第九淨土譯第十出離生死譯皆取釋義之通於儒者論證之舊入

小說家殆見
名未見書歟

象教皮編六卷明陳士元撰

明史藝文志
編舊在歸雲外

士元見易類
案是

入學津討原叢書其書類輯釋氏名物典故語言文字分六門各為一卷曰梵譯解釋梵語者也凡二十分曰名數集經典中之有數可紀如小學紺珠之例也凡三十分曰異談紀釋家靈異之事凡十二分曰禪語錄禪乘偈言之機警者凡九十分曰評經取唐宋以來諸家評論佛經之語凡四十分曰移牘則自梁武以下君王賢士大夫與名僧書六十三章名僧書五十一章衷為八十九分也第一卷後附補遺七事紀夢一則其他卷中亦間附以考證有萬曆庚申自序其曰象教皮編者案五鑑會元達摩命門人各言所得道副云如我所見不執文字不離文字而為道用師曰汝得吾皮其命書之意蓋如此

釋氏源流二卷明陳士元撰

明史藝文志

楞嚴解

楞伽解

方外記明顧闕撰

嘉慶志
闕見五經總義類

佛鑰明瞿九思撰

嘉慶志 九思見易類

宗鏡攝錄十二卷明袁宏道撰

明史藝文志 宏道見地理類 案宋初餘杭僧延壽撰宗鏡錄

志曰集方等祕經六十部華梵聖賢之語三百家設為問答凡一百卷學佛者傳誦焉鈔節其書者明志有陶望齡宗鏡廣刪十卷望齡宏道友也是書蓋亦其類舊志直云宗鏡錄非是

楞嚴模象記二卷

德山著談一卷

金屑編一卷明袁宏道撰

千頃堂書目

珊瑚林二卷明袁宏道撰

振綺堂書錄

袁先生珊瑚林不拈椎不豎拂亦不私通車馬至今快讀一過猶可想見其婆娑古槐下鳥聲竹韻無非祖意

禪宗正統一卷明袁中道撰

明史藝文志 中道見地理類

彌陀經音注二卷明袁中道撰

千頃堂書目

楞嚴如說十卷明鍾惺撰

明史藝文志 惺見詩類

志八十四

藝文八

子部

五

甘園衲訓明向孔門撰

宜都志

孔門字二舟宜都人萬曆四十年舉人官寶應知縣歷任泰州

知州龍安府同知

五百阿羅漢像贊明方以知撰

漢川志 以知見地理類

以知游餘杭作五百阿羅漢像贊援筆立就董思白陳眉公皆心折焉鄭友元序之

金剛經解明王允隆撰

蘄州志

允隆字爾錫蘄州人天啟時貢生

歷代悟門宗門直指明馮雲路撰

黃州府志 雲路見易類

朱日濬撰傳曰雲路少喜浮屠內典已而歎曰洋洋乎吾儒之大也釋家老子到此方有安身立命處故方外從游者必通曉儒書直指黃宗昌將三百金入表裏徵所著述孔孟真參七篇

宗旨左傳智定及歷代悟門宗門直指諸書讀而服服而粹淡如也

金剛後喻二卷 金剛重言一卷 心經鉢柄一卷 法華經智者攷證一卷明釋如愚撰 千頃堂書目

如愚字蘊璞江夏人

八識略明釋正誨撰 當陽志

正誨當陽人仙釋有傳

釋典豹斑錄清李何煒撰 沔陽州志 何煒見易類

金剛經相解清向大觀撰 潛江志 大觀見易類

禪宗錄一卷清林鍾任撰 漢川志 鍾任見傳記類

雲房問答清馮瑞錦撰 興國州志

瑞錦字功甫興國人貢生研究性理言動有日錄著雲房問答

志八十四

藝文八

子部

美

數千言羽翼聖教

天樹語錄清釋願輝撰 崇陽志

願輝號天樹崇陽人邑戴氏子居祇園庵化去後門徒輯其語

為此錄

鈍樵語錄清釋律愨撰 崇陽志 案此亦其門徒輯錄成篇

律愨崇陽人仙釋有傳

禪宗頌古四卷清僧幻寄撰 孝感志

幻寄孝感人仙釋有傳 案晁公武郡齋讀書志有雪竇頌古曰所謂頌古者猶詩人之詠古也

石壁清談清釋彼岸撰 漢川志

彼岸漢川人少穎敏有羸疾遂就僧披薙邑有歐陽氏者家塾

與寺鄰彼岸日往聽讀久之遂通儒書禪理尤善作詩

附錄

金剛般若經集篆明汪可受撰

嘉慶志 可受見職官類案 此非可受自撰具詳本條

兵侍汪可受居黃蓬別墅適大水浮做篋而下發之乃宋僧道

肯集篆金剛經三十二分汪欲摹刻苦字多磨滅門人洪度字

公度書工諸體乃精思七晝夜重臨刻布董思白何象岡侯木

庵陳居一諸公釋以小楷今石在京師摩訶庵東院壁

居易錄

自序曰余往在河上病歸取人所棄地於黃蓬之洲隄而耕之

剏丈室以比澗槃因自號黃蓬居士戊申夏五月十六日洪水

潰隄而入田廬沒焉余僅以身免入城居又十日余當知非之

辰以長齋謝客二十七日午出一蒼頭進曰頃鼓棹頽垣之下

有篋浮來解舟取視之中藏故紙似已浥爛夜若有鬼神守此

者大驚夢寐不知其為何物也余命長男道春展視日中點畫

如新始知為古刻集篆金剛經蓋宋僧道肯因五代僧夢英所

志八十四

藝文八 子部

七

集十八體增成三十二體者也余徧訪緇流罕有見是書全本

者後奉之以入雲中門人洪度一日披誦是經請為書之越九

旬而書成萬曆三十九年辛亥

以上釋家類凡六十二部附錄一部

案沔陽藝文志釋家類有 覺迷蠡測王道正撰查儒

林道正傳內未載傳云受業管志道志道有覺迷蠡測三 卷見四庫存目或道正參訂非其自著書也故不著錄

釋家類存目

道心亭說明汪可受撰

可受黃梅人此篇目耳可受無詩 文集黃州府志載此於釋家仍之

金

剛經解

心經解明王慶之撰

慶之石 首人

心經解

一貫錄清汪錫朋撰

錫朋麻 城人

金剛經注解清方巖

撰

巖沔 陽人

以上凡六部並附存目

道家類

周老萊子十六篇

漢書藝文志

老萊子楚人隱逸有傳

老萊子隋唐志皆不著錄書佚已久茲從莊子孔叢子尸子皇

甫謚高士傳輯得四節附考為一卷

玉函山房輯本序 案漢書藝文志有蝟子十三篇

長廬子九篇並是楚人今其邑里無考故不著於錄

老莊義疏梁庾曼倩撰

梁書處士傳曼倩見禮類

亢倉子二卷唐王士元撰

唐書藝文志

士元宜城人隱逸有傳

舊本題庚桑楚撰唐柳宗元嘗辨其偽晁公武讀書志曰案唐

天寶元年詔號亢桑子為洞靈真經然求之不獲襄陽處士王

士元謂莊子作庚桑子太史公列子作亢倉子其實一也取諸

子文義類者補其亡今此書乃士元補亡者宗元不知其故而

遽詆之可見其銳於譏議也今考新舊唐書藝文志載王士元

亢倉子二卷所注與公武所言同則公武之說有據又考孟浩

然集首有宜城王士元序自稱修亢倉子九篇又有天寶九載

章滔序亦稱宜城王士元著亢倉子數篇傳之於代云云與新

唐書所言合則新唐書之說亦為有據宋濂作諸子辨乃仍摘

其以人易民以代易世斷為唐人所偽亦未之考矣惟是庚桑

楚居於畏壘僅見莊子而史記莊周列傳則云周為書如畏壘

亢倉子皆空言無事實則其人亦鴻濛雲將之流有無蓋未可

定其書漢志隋志皆不著錄至於唐代何以無所依據憑書漫

求毋亦士元先有此本而出入禁中之方士預為之地因而詔

求歟觀士元自序稱天寶四載徵謁京邑適在書成之後是亦

明證也劉恕通鑑外紀引封演之言曰王巨源採莊子庚桑楚

篇義補葺分爲九篇云其先人於山中得古本奏上之勅付學士詳議疑不實竟不施行今亢桑子三卷是也然則士元此書始猶僞稱古本後經勘驗知其不可以售欺乃自承爲補亡矣然士元亦文士故其書雖雜剽莊子老子列子文子商君書呂氏春秋劉向說苑新序之詞而聯絡貫通亦亶亶有理致非他僞書之比其多作古文奇字與衛元嵩元包相類晁公武謂內不足者必假外飾頗中其病宋史藝文志別有亢倉子音一卷殆卽釋其奇字歟崇文總目作九篇晁陳諸家皆同宋志作二卷宋濂諸子辨則作五卷此本僅有一卷而篇數與崇文總目合蓋又明人所併云

四庫全書提要

雲笈七籤一百二十二卷宋張君房撰

嘉慶志君房見地理類

君房祥符中謫官寧海時聖祖諭朝廷盡以祕閣道書付杭州

志八十四

藝文八

子部

无

俾臧綸陳堯臣校正綸等同王欽若薦君房專其事君房銓次得四千五百六十五卷於是掇其蘊奧總萬餘條成是書仁宗時上之

郡齋讀書志

凡經法符籙修養服食以及傳記無不畢錄頃於莆中傳錄纔

二册蓋節本也後於平江天慶觀道藏得其全錄之

書錄解題

其稱雲笈七籤者蓋道家之言以天寶君說洞真爲上乘靈寶

君說洞元爲中乘神寶君說洞神爲下乘又太元太平太清三

部爲輔經又正一法文編陳三乘別爲一部統稱三洞真文總

爲七部故君房取以爲名也其詮敘之例自一卷至二十八卷

總論經教宗旨及仙真位籍之事二十九卷至八十六卷則以

道家服食鍊氣內丹外丹方藥符圖守庚申尸解諸術分類縷

載八十七卷至一百二十二卷則前人文字及詩歌傳記之屬

凡有涉於道家者悉編入焉大都摘錄原文不加論說其引用集仙錄靈驗記等亦多有所刪削然類例既明指歸略備綱條科格無不兼該道藏菁華亦大略具於是矣文獻通考作一百二十卷此本爲明中書舍人張萱所刊中多二卷蓋通考脫誤也

四庫全書提要

雲笈七籤凡道德一卷混元混洞開闢劫運一卷道教本始一卷道教經法傳授一卷經教相承一卷三洞經教十五卷天地二卷日月星辰三卷十洲三島一卷洞天福地一卷二十八治一卷稟生受命三卷雜修攝五卷齋戒一卷說戒三卷七籤雜法一卷存思三卷祕要訣法七卷雜要圖訣法一卷雜祕要訣法一卷魂神二卷諸家氣法七卷金丹訣三卷丹論訣旨一卷金丹四卷內丹三卷方藥五卷符圖二卷庚申三卷尸解三卷

志八十四

藝文八

子部

三

諸真要略一卷仙籍旨訣一卷諸真語論一卷七部要語一卷七部名數要記一卷仙籍語論要記四卷讚頌詩歌四卷紀傳八卷列仙傳二卷洞仙傳二卷神仙感遇傳一卷續仙傳一卷

壩城集仙錄三卷道教靈驗記六卷

彙刻書目

修真書宋王鼎撰

明一統志

鼎襄陽人仙釋有傳

陰符經解一卷 蓬元雜錄十卷明李先芳撰

明史藝文志先芳見易類

老子本義一卷明李先芳撰

千頃堂書目先芳見易類

淡泊養生說二卷明楊芷撰

康熙湖廣通志

芷字文植一字次泉安陸人嘉靖三十二年進士由吳江知縣累遷江西布政使請告歸林泉三十年自號白兆山人所著淡泊養生說二卷

四真集要明韓萬鍾撰

斬州志 萬鍾見算法類

金碧古文龍虎上經玄解一卷明彭好古撰

麻城志 好古見易類

自序曰龍虎上經丹經之祖其書語意不相聯絡且自謂上經不復較量中下真上古之書或者謂後人擬參同而作夫參同之擬龍虎識者自能辨之余何容贅顧其書語意深遠人未易通舊傳王道注疏益令人厭苦竝經文罷去不復省覽輒不自

揣僭為注說命之曰玄解云

道藏輯要 案王道注疏見四庫提要分三十三章此不分章但析

為二十節解釋之首題軒轅黃帝著其解題云黃帝不敢自取託言於金闕碧落之古文不知何所據而云然也

入藥鏡注一卷明彭好古撰

麻城志 案入藥鏡舊稱至一真人崔希範著凡二百餘言亦丹竈家之

一種有混然子王道淵滄溟李攀龍注好古此注凡十一條即在二家注本中見道藏輯要

度身後二卷明彭好古撰

千頃堂書目 案縣志又有銅符鐵券一卷金華祕訣注一卷此二種乃好古

重訂其書非其自撰也故不錄而著其略於此

志八十四

藝文八

子部

三

玉洞藏書四卷明李堪撰

嘉慶志

堪號楚愚應城人諸生有何思沛序

是書成於萬曆壬子前二卷取宋張伯端悟真篇句為箋釋而

附以諸仙修煉之說後二卷則注漢魏伯陽參同契三相類其

以三相類為淳于叔通作用楊慎本也

四庫存目

道德經疏明周光德撰

蕪水志 光德見易類

含素子塵談十卷明朱清仁撰

嘉慶志

清仁號懷白別號含素子黃州人流寓南昌為道士此書分條

劄記而以類分為十篇曰行品曰元真曰聖居曰佛說曰審世

曰博論曰迂言曰地形曰雜記曰疵批疵批即諸篇之自評彙

之於末其實九篇也其說有頗切事理者然大旨出於黃老艾

南英序取其闢佛然清仁為道士自爭釋老之勝負非儒家之

關佛其地形一篇雜采山海經神異經及道家附會之說繪爲

地圖尤爲謬誕

四庫存目

廣莊一卷明袁宏道撰

千頃堂書目 宏道見地理類 案是書廣莊子內七篇之意也自爲之序

譚子遇莊三卷明譚元春撰

千頃堂書目

元春景陵人文學有傳

自序曰童年讀莊未有省也十五年閒凡六閱之其閒四閱本文一閱本文兼郭注一閱郭呂注旁及近時焦陸諸注又同旋本文撰入莊總論三十二篇如其篇數益歎是書那復須注不易之言也

養生真銓明王命珪撰

黃陂志

命珪字弓以黃陂人歲貢生晚猶好學著有養生真銓行世

辨莊指南明馬亦昌撰

蒲圻志 亦昌見儒家類

志八十四

藝文八 子部

三

南華評注明潘世標撰

監利志 世標見地理類

神仙通鑑二十二卷卷首一卷明徐道撰

采訪冊

道江夏人行跡未詳是書舊題江夏明陽宣史徐道述首卷序

總目圖像一卷首集仙真衍派八卷二集佛祖傳燈八卷三集

聖賢貫脈六卷

彙刻書 目外集

莊子注釋明釋正誨撰

楚北詩佩 正誨見釋家類

石頭和尚陰符經解一卷 莊子旦暮解一卷明釋如愚撰

千頃堂書

目 如愚 見釋家類

金丹祕訣清朱儼鑰撰

江陵志 儼鑰見雜家類

莊略清楊懋官撰

江夏志 懋官見五經總義類

深遠集參補註釋四卷清顧如華撰

漢川志 如華見奏議類

自序曰深遠集者何解老也太史公謂申韓皆原於道德之意

而老子深遠矣故名也五千言大義前人之述備矣河上公生秦漢時隱居陝州其注又爲漢文帝屬作故當以爲老注之祖予得之最蚤而疑義尙未能盡晰也官鵝城始獲周望洪陽兩先生二解最後越中一行乃得三子口義及蛟門相國之集解合并而參閱之其書始合其理宜暢

讀莊一映清願如華撰

漢川志

錢謙益序曰莊學之分裂久矣以禪理入之者有王雱呂惠卿之學以鑪火入之者有俞玉吾林得之學雲閒之沈友聖氏以讀莊一映示余曰此侍御顧公所著也贈侍御開明先生好讀莊子有所悟入侍御稟之庭訓敷陳其旨猶老泉氏之易學東坡受之爲傳也其說首尾鉤貫直抒胸臆然不以異學參之則又諸家之所不及也古人著書未有不明其意之所在西轍注

志八十四

藝文八

子部

三

莊子約而該亦云得其意而已

南華正說清朱任宏撰

監利志任宏見易類

老子注

南華經注清王家璧撰

黃岡志家璧見易類

以上道家類凡三十二部

道家類存目

通丹經明朱盛球撰

盛球江夏人

南華新解訂訛明趙文淵撰

文淵

黃安人

丹書集成清趙光早撰

光早黃安人

以上凡三部並附存目

藝文志八

黃岡陶子麟刊